

故宮
珍寶
纂刊

新編
經證
事類
居官
一覽

等三種



故宮博物院編 海南出版社

故宮珍本叢刊第 475 冊子部雜家類

故宮博物院編

新編經證事類居官一覽

新刻藝圃球瑯集注

六稽雜錄

海南出版社

新編經證事類居官一覽
PDG

圖書在版編目(CIP)數據

故宮珍本叢刊.第 475 冊,子部.雜家/故宮博物院編.-影印本.-海口:海南出版社,
2000.12

本輯包括:新編經證事類居官一覽/(明)陳喆輯·新刻藝圃球瑯集注/(明)蔣以忠撰·六稽雜錄/
(明)馬如麟輯

ISBN 7-80645-873-5

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2000)第 75810 號

故宮珍本叢刊第 475 冊

子部·雜家

新編經證事類居官一覽 新刻藝圃球瑯集注 六稽雜錄

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 1 月第 1 版 2001 年 1 月第 1 次印刷

開本:787×1092 毫米 1/16 印張:20.75 印數:1-400 冊

ISBN 7-80645-873-5/Z·40

定價:1510 元(子部雜家 18 種共 10 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

經證事類序

海虞雪崖陳君城夫清醇博雅君子也早承
尊甫士願先生庭誨肆力問學經傳子史百
家之言靡不研究搜獵濼思濬發明理為立
窮尼昂如不慕仁進悅倦教訓諸子內外諸
孫所著有瀝略錄以示不忘所自雪崖家法
以示篤於親誼既又摘諸經傳切要之語史
冊所載名臣哲士言行故事可為師法者以
事類萃分為五卷目曰經證事類居官一覽
蓋以德器成就振揚光華期望後人也天順

經證事類序

壬午震嗣易領鄉薦上京師遊

天子之學弗克歸養城六復買舟北上慰勉其
志往返數千里辛勤百出感事觸物舒吟
咏積盈行卷親愛至情古所未有於今日之
善於教者城夫既謝世成化辛丑夏易
治得於建昌推官抵任臨民恒以經證事類
置諸座右遇事披閱裨益是多痛先君之不
作念手澤之如新謂是書匪獨垂示子孫凡
入仕為政不必旁求浩穰立身應世規範一
覽備見與其私諸已曷若公於人謹節縮月

俸命工壽梓以傳予時歸老臨川亟以序文

見屬嗚呼聖經賢傳天下公理昭如日星後
之君子言行政事豈可外是理而有為哉城
夫編萃該括羣言而主於經可謂教子以正
矣復克繼父志奮跡賢科致身仕籍存心公
怨操持清謹信為不負家學而翁雖抱道遠
售遺言得不墜于地詎非孝之大者乎視彼
若考作室底法厥子乃為盲堂矧肯博有聞
矣作述兼美又傳之無窮有功世道支辭豈
說云乎哉

經證事類序

成化十九年癸卯秋八月既望

中議大夫贊治尹

勅督學校陝西等處提刑按察司副使致仕臨

川伍福書

雪崖陳先生傳

今雪崖陳先生古隱君子也先生蚤入家塾
 手錄經史羣書日夜誦習甫成童已迥譽人
 人知先生者賓于西館先生毅然以師道為
 已任及門之士率陶冶以成先生性夷曠雅
 好泉石不樂仕進管業舉子既習輒棄去惟
 汲汲於窮理正心之學著書立言羽翼經傳
 家藏春秋纂疏一編經證事類居官一覽五
 卷又有歷膽錄雪崖不詆各一帙皆先生手
 澤也或曰先生遭世不仕而著書書果易著

經書類序

三

乎又曰書可著果能必其傳後乎噫先生之
 心誰其知之自亡有道之士不進則退進則
 用是而鋪張大猷退則筆之書以傳於後仕
 與否惟吾願先生之志素矣大抵書者道之
 寓書之所存道之所存也道之行天也賢人
 君子知天之所以與我者非偶然而不敢以
 自棄故學以脩明之用則行之天也不用而
 遂廢焉是謂棄天棄天殆非彼蒼與我者意
 也故自其脩明於我者而筆之書承天意耳
 天而欲使斯道之行則賢人君子之書當與

穹壤俱燹天下後世享吾道之福矣故曰書
 者道之寓書之所存道之所存也道之行天
 也嗚呼哲人萎矣手澤尚存後世有傳豈非
 天耶先生名喆字城天雪崖其別號云
 成化庚子冬十月上吉

賜進士出身廣西道監察御史昆湖瞿俊書

經書類序

四

新編經證事類居官一覽目錄

卷之一

海虞 陳喆 編輯

事君

治民

政行

誅諍

建明

勸學

彈劾

孝友

教子

卷之二

忠義

廉介

奉使

薦舉

待賢

待吏

聽訟

同僚

兵政

用刑

采斷

卷之三

自治

興利

除害

治盜

辨姦

理冤

友義

交言

慎言

暴怒

謙讓

卷之後四

節儉

戒奢

鑑失

惠下

報德

賄賂

不校

遇災

荒政

親親

陰德

戒酒色

卷之後五

事神

妖巫

道釋

免機

致仕

死節

居官一覽目錄

居官一覽目錄

八二

新編經證事類居官一覽卷之一

海虞 陳詰 編輯

事君篇第一

師曠曰君神之王而民之望也故事之者在乎誠誠能動天地感鬼神而况於君子計利害為進退保身以售術非誠也述事君

經傳格言

論語曰臣事君以忠○事君致其身○以道事君不可則止○陳力就列不能者止○勿欺也而犯之○事君敬

居官證卷之一

一

張

其事而後其食○孟子曰未有義而後其君者也○君臣主敬○責難於君謂之亦陳音閉邪謂之敬吾君不能謂之賊○長君之惡其罪小逢君之惡其罪大○君子之事君也務引其君以當道志於仁而已○大學曰為人臣止於敬○考者所以事君也○易曰王臣蹇蹇匪躬之故○左傳曰天威不遠顔咫尺○信不叛君○書曰可受非君○乃心罔不在王室○繩愆糾繆格其非心○孝經曰忠於事君○以孝事君則忠○進思盡忠退思補過將順其美匡救其惡○詩曰夙夜匪懈以事一人○禮記曰事君不取忘其君○為人臣者殺其身有益於君則為之○君

子之事君也必身行之○事君先資其言○事君不下達不尚辭非其人不自○事君可貴可賤可富可貧可生可殺而不可使為亂○莊子曰夫事其君者不擇事而安之忠之至也○荀子曰事兩君者不容○遇君則修臣下之

居官證卷之一

二

張

義○以勤事君者忠順而不懈○從道不從君○恭敏而遜聽從而敏不敢有不決擇也不改有私取與也以上為志是事聖君之義也忠信而不諛諫爭而不諂矯然剛折端立而無傾側之心是柔曰是非柔曰非是事中君之義也○主道知人臣道知守○文中子曰古之事君也以道不可則止○有美不揚天下何觀君子之於君替其美而匡其失也○忠臣之事君也盡忠補過君失於上則臣補於下○不以伊尹周公之道廢其國非大臣也不以霍光諸葛亮之心事其君者皆具臣也○不知道無以為人臣

名臣事實

陳敬仲陳公子完也升齊桓公以為卿嘗飲桓公酒樂公曰以火繼之辭曰臣卜其晝未卜其夜不敢君子曰酒以成禮不繼以淫義也以君成禮弗納於淫仁也○季文子魯大夫也紀僕弒其君父以其賢至奔魯納諸宣公公命與之邑曰今日必授文子使司寇出諸見曰今日必達公問其故文子使史克對曰先大夫臧文仲

敬行父事君之禮曰見有禮於其君者事之如孝子之
 養其父母也見無禮於君者誅之如鷹鷂之逐鳥雀也
 ○箴尹楚令尹子文之孫也使於齊還及宋而聞椒作
 亂其人曰不可以入矣箴尹曰棄君之命獨誰受之君
 天也天可逆乎○師曠事於晉侯晉侯曰衛人出其君
 不亦甚乎對曰民不其君愛之如父母仰之如日月敬
 之如神明畏之如雷霆其可出乎韓宣子晉大夫韓起
 也聘于周靈王使請事對曰晉士起將歸時事於宰旅
 無他事矣王聞之曰韓氏其昌阜於晉乎辭不失舊○
 王蠲齊畫邑人樂毅破齊聞其賢令軍中環畫邑三十

居官覽卷之一

三

三

里無入使人請蠲蠲謝不往燕人曰不來吾且屠邑蠲
 曰忠臣不事二君烈女不更二夫齊王不用吾諫故退
 而耕於野國破君亡吾不能存而又切之以六吾與其
 不義而生不若死遂經其頸而死○霍光出入禁闥二
 十餘年小心謹慎未嘗有過為人沉靜許審每出入殿
 門進止有常處郎僕射竊視視之不失尺寸○萬石君
 石奮歸老于家過宮門闕必下車趨見輅馬必式馬上
 時賜食于家必稽首俯伏而食如在上前○蘇武使匈
 奴李陵勸降武曰武父子之功德皆為陛下所成就位
 列將爵通侯兄弟親近常願肝腦塗地今待挺身自效

雖蒙斧鉞湯鑊誠甘樂之臣事君猶父子事父子為父死
 無所恨願勿再言陵與武飲數日復曰子卿一聽陵言
 武曰自分已死久矣必欲降武請畢今日之歡效死於
 前陵見其至誠喟然嘆曰嗟乎義士陵與衛律之罪上
 通於天因泣下霑衿後帝崩武聞之南向號哭歐血且
 夕臨○耿弇攻張步光武在魯以弇為步所攻自往救
 之未至陳俊謂弇曰劇虜兵盛可且閉營休士以須上
 采弇曰乘輿且到臣子當擊牛醢酒以待百官反欲以
 賊虜遺君父耶乃出兵大戰自旦至暮大破之○任延
 為威武太守元武親見戒之曰善事上官無失名譽退

居官覽卷之一

四

四

對曰臣聞忠臣不私私臣不忠履正奉公臣子之節上
 下雷同非陛下之福苦事上官臣不敢奉詔帝歎息曰
 卿言是也○邳彤為光武大將軍常從戰攻信都復反
 為王郎捕係彤兄弟及妻子使為手書呼彤彤涕泣報
 曰事君不得顧家彤親屬所以得安於信都者劉公之
 恩也公方爭國事彤不得復念私也○陳寵性周密常
 稱人臣之義若不畏慎自仕樞機謝遣門人拒絕知友
 唯在公家而已朝廷器之○楊彪為大尉李膺郭況之
 亂處盡節衛主崎嶇危難之間幾不免於害○王弘為
 尚書僕射掌選領及當朝總錄將加榮爵於人每先呵

責譴辱之然後施行若美言相助接語歡忻者必無所
 諸人問其故答曰王爵既加於人又相撫勞便成與王
 分功此所謂姦以事君者也若求者絕官叙之分既無
 以為惠又不微借顏色即大成然府亦鄙薄所不任聞
 者悅服○尉遲敬德在秦王府建成嘗以書招之贈金
 皿一車辭曰敬德起幽賤會天下喪亂之陷逆地秦王
 實生之乃以身徇恩今於殿下無功其敢當賜若私許
 則懷二心徇利乘忠殿下亦馬用之哉敬德以聞王曰
 公之心如山嶽然雖積金至斗豈能移之○李勣初事
 李密武德二年密歸本朝其地勣統之未有所屬謂長

居官一覽卷之一

五

史郭孝恪曰人衆土宇皆魏公有也吾若獻之是利主
 之敗為己功吾所羞也乃錄郡縣戶口以啓密請自上
 之使至高祖訝無表使者以意聞帝喜曰純臣也○陸
 贄以德宗知待之厚事有不可常力爭之所親或規其
 太疏贄曰吾上不負天子下不負所學他無所恤○裴
 相為中書侍郎憲宗嘗問為理之要何先對曰先正其
 心○李德裕武宗立以為門下侍郎言於上曰致理之
 要在於辨許臣之邪正夫邪正者勢不相容正人指邪
 人為邪邪人亦指正人為邪人主辨之甚難臣以為正
 人如松柏特立不倚邪人如藤蘿非附他物不能自起

故正人一心事君而邪人競為朋黨先帝深知朋黨之
 患然所用率多朋黨之人良由執心不定故姦邪得乘
 間而入也○岑文本為中書侍郎晉王為皇太子大臣
 多兼官官帝欲文本兼攝辭曰臣守一職猶懼其盈不
 願希恩東宮請一心事陛下帝乃止○薛仁貴為右領
 軍中郎將高宗幸嶺南官山水暴至宿衛皆散走仁貴
 曰當天子緩急安可懼死遂登門大呼以警宮內帝遽
 出乘登俄而水八帝寢帝曰賴卿以免始知忠臣也
 ○李抱真興元初檢校左僕射同平章事朱滔悉幽薊
 兵與回紇圍其州以應朱泚而李希烈獨為名號則欲

居官一覽卷之一

六

臣制諸叛眾稍離天子下罪已詔並赦羣盜抱真乃遣
 容賈林以大義說王武俊使合縱擊滔武俊許諾而內
 猶豫抱真因自造其壁諉軍事於司馬虞玄卿曰吾此
 行繫時安危使遂不還部勒以聽天子惟子屬兵東向
 雪吾耻亦惟子即以數駟馳入見武俊曰泚希烈等爭
 竊帝號滔攻貝州此其志皆欲自肆于天下足下既不
 能與競長雄合九葉天子而臣及虜乎且詔書罪已禹
 湯之心也方上暴露播越公能自安乎因涕涕武俊亦
 感泣久之武俊感其不疑乃指心誓天曰此身已許公
 死矣約為兄弟而別且日合戰大破滔○李泌出入禁

中事四君數為權倖所疾常以智免好縱橫大言時時
謹議能寤人主必亦自有所建明獨柳玘稱兩京之復
必謀居多○渾瑊為行營副元帥天性忠謹功高而志
益下歲時供奉必躬閱視每有賜予下拜跪受常若在
帝前世方之金日磾故帝終始信待正元後天子常恐
藩侯生事稍桀驁則姑息之惟瑊有所奏論不盡從可
輒私喜曰上不疑我故治蒲十六年常持軍猜間不能
入君子賢之○元德秀為魯山令元宗在東都命三百
里縣令刺史各以聲樂集時河內太守董優伎數百披
錦繡或作犀象環譎光麗德秀惟樂工數十人聯袂歌

唐官覽卷之一

七

唐

于為于于為于者德秀所為歌也帝聞而異之曰賢人
之言哉○杜讓能僖宗時為翰林學士李克用兵至帝
夜出鳳翔蒼黃無知者讓能方直徒步從十餘里得遺
馬褫紵為勒乘之俄而進狩梁是時棧道為山南石君
涉所踣天子間關險阻讓能未嘗暫去側帝勞曰朕失
道再違宗廟方艱難時卿不少捨朕蓋所謂忠於所事
耶讓能頓首曰臣世蒙國厚恩陛下不以臣不肖使扞
牧圉臨難苟免臣之耻也○張憲唐莊宗以為租庸使
莊宗遇弒明宗人京師王永存霸奔太原左右曰今軍
南向主上存亡未可知宜拘存霸俟命憲曰吾本書生

無尺寸之功而人君遇我甚厚豈有懷二心以幸變第
與之俱死爾憲從事張昭遠教憲奉表明宗勸進憲推
之已而符彥超兵殺存霸憲出奔見殺○孫固曰以愛
親之心愛其君則無不盡矣○陸秀夫為宋帝昺左丞
相兼樞密使時播越海濱庶事踈略揚太后垂簾與羣
臣語猶自稱奴每時節朝會獨秀夫儼然正笏立如治
朝或在行中懷然泣下以朝衣拭淚衣盡濕左右無不
悲慟者及拜首相與張世傑共秉政外籌軍於內調工
役凡有所述作皆出其手雖急遽流離中猶日書大學
章句以勸誦

唐官覽卷之一

八

治民第二

書曰民惟邦本愛民而不暴所以重邦本也暴其
民則傷其本豈保邦之道乎述治民

經傳格言

論語曰敬事而信節用而愛人使民以時○舉直措諸枉
則民服舉枉措諸直則民不服○既庶矣又何加焉曰富
之既富矣又何加焉曰教之○出門如見大賓使民如承
大祭○其身正不令而行其身不正雖令不從○上好禮
則民易使也○不教而殺謂之虐不戒視成謂之暴慢令
致期謂之賊○孟子曰老吾老以及人之老幼吾幼以及

人之幼○無君子莫治野人無野人莫養君子○出入相友守望相助疾病相扶持則百姓親睦○大學曰在明明德立親親○慈者所以使衆也○如保赤子心誠求之雖不中不遠矣○民之所好好之民之所惡惡之○易曰以言下賤大得民也○君子以勞民勸相○悅以先民民忘其勞悅以犯難民忘其死○左傳曰以德和民○知不言民孝經曰示之以好惡而民知禁道之以禮樂而民和睦○詩曰赫赫師尹民具爾瞻○秉國之鈞四方是維天子是毗俾民不迷○不自爲政率勞百姓○書曰食哉惟時柔遠能邇○罔悖百姓以從己之欲○可畏非民○民若有功○不遑暇食用咸和萬民○民心無常惟惠之懷○德惟善政政在養民○禮記曰修其教不易俗俗齊其政不易其宜○子以愛之則民親之信以結之則民不倍○老子曰爲之於未有治之於未亂○荀子曰治生子君子亂生乎小人○誅賞而不類則下疑俗儉而百姓不一○無用之辨不急之察棄而不治若夫君臣之義父子之親夫婦之別則日切磋而不舍也○水行者表深使人無陷治民者表亂使民無失禮者其表也

表天下之亂也今廢禮者是去表也故民迷惑所以繁也○治民不以禮動斯陷矣

此刑罰之

名臣事實

尹鐸趙人簡子使爲晉陽尹鐸請曰以爲蒞絲乎抑爲保障乎簡子曰保障哉尹鐸損其戶數簡子謂無恤曰晉國有難而無以尹鐸爲少無以晉陽爲遠必以爲歸及智伯率韓魏二國伐趙襄子走晉陽三家以國人圍而灌之城不浸者三版沈竈產蛙民無叛意卒與韓魏潛通遂滅智氏○趙過漢武帝征和四年爲拔果都尉過能爲代田其耕耘田器皆有便巧以教民戶力少而得穀多民皆便之○趙廣漢爲潁川太守入爲京兆尹潁川俗豪傑相朋黨廣漢爲銛筒受吏民投書便相告許於是更相然咎茲黨散落盜賊不得發尤善爲鉤距以得事情銖兩之姦皆知之○尹翁歸爲右扶風翁歸爲人公廉明察郡中吏民賢不肖及奸邪罪之盡知之各有記籍披籍取人以一警百吏民皆服恐懼政行自新○韓延壽入爲左馮翊嘗出行縣至高陵民有昆弟相與訟田自言延壽大傷之曰幸得備位爲郡表率不能宣明教化至今民有骨肉爭訟既傷風化咎在馮翊因閉閣思過於是訟者自悔願以田相移終死不敢復爭郡中翕然卓茂爲密令視民如子舉善而教口無惡言吏民親愛不忍欺之○賈彪爲新息長小民貧困

多不養子處嚴為其制與殺人同罪城南有盜劫害人者此有婦人殺子者處出案驗掾吏欲引南處怒曰賊寇害人此則常理母子相殘逆天違道遂驅車北行案致其罪城南賊聞之亦面縛自首數年間人養子者以千數曰此質父之所生也皆名之為賈○龔遂漢宣帝時渤海左右郡歲饑盜並起二十石不能禽制上選能治者丞相御史舉遂可用上以為渤海太守時遂年七十餘召見形貌短小帝望見不副所聞心內輕焉謂遂曰渤海廢亂朕甚憂之君欲何以息其盜賊以稱朕意遂對曰海瀕遐遠不沾聖化其民困於饑寒而吏不恤

八十一

故使陛下赤子盜弄陛下之兵於潢池中耳今欲使臣勝之耶將安之也上聞遂對甚悅答曰選用賢良固欲安之也遂曰臣聞治亂民猶治亂絲不可急也唯緩之然後可治臣願丞相御史無拘臣以文法得一切便安從事上許焉加賜黃金贈遣乘傳至渤海海界郡聞新太守至發兵以迎遂遣還移書勅屬縣悉罷逐捕盜賊吏諸持鉤鈞田器者皆為良民吏毋得問持兵者乃為盜賊遂單車獨行三府郡中翕然盜賊亦皆罷渤海又多劫畧相隨聞遂教令即時解散棄其兵弩而持鉤鈞盜賊於是悉平民安土樂業遂乃開倉庫假貧民選用良

八十一

車慰安牧養焉遂見齊俗奢化好末技不由作乃躬率以儉約勸民務農桑令口種一樹榆百本薤五十本葱一畦韭家二母瓊五母雞民有帶持刀劍者使賣劍買牛管刀買犢曰何為帶牛佩犢春夏不得不趨田畝秋久課收歛益畜果實交勞來循行郡中皆有畜積更民皆富實獄訟止息○陽城為道州刺史治民如治家事宜罰罰之宜賞賞之不以簿書介意月俸取足則已官收其餘日炊水二斛魚一大觔置甌杓道一人共食之州產侏儒歲貢諸朝城哀其生離無所進帝使求之城奏曰州民益短者以貢不知何者可供自是龍州人

八十二

感之以陽名子賦稅不時觀察使數請貴州當上考功第城自著曰撫字心勞追科政拙考下下觀察使遣判官督賦至州怪城不迎以問吏吏曰刺史以為有罪自囚于獄判官驚馳入謁城曰使君何罪我奉命來候安否耳○崔郾為統鄂三州觀察治號以寬經月不答一人范鄂則嚴法峻誅一不貸或問其故曰陝土瘠而民勞吾撫之不暇猶恐其擾鄂土沃民剽雜以夷俗非用威莫能治政所以貴知變者也聞者服焉○古靈陳先主為仙居令教其民曰為吾民者父義母慈兄友弟恭子孝夫婦有恩男女有別子弟有學鄉閭有禮貧窮患

八十二

難親戚相改婚姻死喪隣保相助無惰農業無作盜
無學賭博無好爭訟無以惡凌善無以富吞貧行者讓
路耕者讓畔斑白者不負戴於道路則為禮義之俗矣
民多化焉○晦庵朱先生提舉浙東至部即移書他郡
募米商蠲其征米遂輯集先生日鈞訪民隱按行境內
單車屏徒從所至人不及知郡縣官吏憚其風采至自
引去所部肅然九政有不便於民者悉釐革之有短之
者謂其跡於為政帝謂王淮曰朱熹政事却亦可觀准
言修舉荒政是行其所學民被實惠○馬光祖知建業
至郡士女相慶光祖益思寬養民力興廢起壞知無不

居官 覽卷之十一

八十三

為修飾武備防拓要害威惠並行務存大體境內以安

政術第三

孔子曰政者正也子帥以正孰敢不正士子路以
先之勞之請益曰無倦蓋為政而忽其事非為政
之道也必有學焉述政術

經傳格言

論語曰為政以德○不在其位不謀其政○為正其身矣
於從政乎何有不能正其身如正人何○近者悅遠者來
無欲速無見小利○寬則得衆信則人任焉敏則有功
公則悅○孟子曰有不忍之心斯有不忍人之政○大學

曰以能保我子孫黎民尚亦有利哉中庸曰故為政在人
易曰君子以辨上下定民志○君子以赦過宥罪○君
子安而不忘危存而不忘亡治而不忘亂○左傳曰民慢
其政國之患也○詩曰弗躬弗親庶民弗信○書曰無輕
民事惟難無安厥位惟危○惟厥攸居政事惟醇○畜疑
敗謀怠忽荒政○議事以制政乃不迷○政貴有恒○道
洽政治澤潤生民○禮記曰人道政為大○古之政愛人
為大○君子與敬為親舍敬是遺親也弗愛不親弗敬不
正愛敬其政之本歟○荀子曰庶人安政然後君子安位
節用以禮裕民以政○禮修而士服政平而民安○揚

居官 覽卷之十一

八十四

子曰老人老孤人孤病者養死者葬男子皁婦人桑之謂
思若汚人老屈人孤病者獨死者通田畝荒籽抽空之謂
斃○文中子曰童僕知恩可以從政矣○賞一以勸百罰
一以懲衆夫為政而何有○政猛寧若恩法速寧若緩獄
繁寧若簡

名臣事實

子產鄭大夫公孫僑也問政於驪然明然明日視民如
子見不仁者誅之如鷹鷂之逐鳥雀也子產喜以語子
太叔且曰他日吾見蔑之面而已今吾見其心矣子太
叔問政於子產子產曰政如農功日夜思之思其始而

戎其終朝夕行之無越思如農之有時其過鮮矣○子產為政於鄭使都鄙有章上下有服田有封洫廬井有伍大人之忠儉者從而與之泰侈者因而斃之一年與人誦之曰取我衣冠而褚之取我田疇而伍之孰殺子產吾其與之及三年又誦之曰我有子弟子產誨之我有田疇子產殖之子生而死誰其嗣之○子皮鄭大夫也欲使尹何為政子產曰少未知可否子皮曰願吾愛之不吾叛也使天往而學焉夫亦愈知治矣○子產曰不可人之愛人求利之也今吾子愛人則以政猶未能操刀而使之割也其傷實多子之愛人傷之而已其誰敢

八居官 卷之二

八十五

求愛於子子於鄭國棟也棟折榱崩僑將壓焉敢不盡言子有美錦不使人學製焉太官大邑身之庇也而使學者製焉其為美錦不亦多乎僑聞學而後政未聞以政學者也若果行此必有所害○子產有疾謂子太叔曰我死子必為政唯以德者能以寬服民其次莫如子夫火烈民望而畏之故鮮死焉水懦弱民狎而翫之則多死焉故寬難○汲黯為東海太守治官民好清淨擇史丞任之責大指而已不細苛多病卧閣內不出歲餘東海大治○何武為揚州刺史九江太守戴勝禮經號小戴者也行治多不法前刺史以其大儒優容之及

武為刺史行部錄囚徒有所舉以屬郡勝曰後進生何知乃欲亂人治皆無所決武使從事廉得其罪勝懼自免後為博士毀武於朝廷武聞之終不揚其惡而勝子賓客為羣盜得繫廬江勝自以子必死武平治決之卒得不死自是後勝慙服每奏事至京師勝未嘗不造門謝恩二十石有罪應時舉奏其餘賢與之自敬之如一是以郡國各重其守相州中清平行部必先即學官見諸生試其誦論問以得失然後入傳舍出記詞壘田頃畝五穀美惡已乃見二十石以為常然疾朋黨問文吏必於儒者問儒者必於文吏以相參驗欲除吏先為科

八居官 卷之二

八十六

例以防請托其居無赫赫名去後常見思○岑熙為魏郡太守招聘隱逸與於政事無為而化視事三年輿人歌之曰我有枳棘岑君伐之我有蠹賊岑君治之狗吠不驚足下生菴含哺鼓腹焉知凶災我喜我生獨丁其時美以岑君於戲休茲○郭賀拜荊州刺史有珠政百姓便之歌曰承德仁明郭喬行忠正朝廷上下平顯宗巡狩到南陽特見嗟嘆賜以三公之服黼黻冕旒勅行部去襜帷使百姓見其容服以章有德每所經過吏人指以相示莫不榮之○郭伋拜潁川太守前在并州素結恩德及後入界老幼相攜逢迎道路所過問民疾苦

聘求耆德雄俊設几杖之禮朝夕與參政事行部到西河美稷有兒童數百各騎竹馬於道次迎拜既問兒童何自遠來對曰聞使君到喜故來奉迎耳及事訖諸兒復送出郭外問使君何日當還僕謂別駕從事計日當告之行部既還先期一日僕請違信於兒遂止於亭濱期乃入○杜詩為南陽太守性節儉而政治清平以誅暴立威善於計略省愛民役造作水排鑄為農器用力少見功多百姓使之又脩治陂池廣拓田土郡內比室殷足時人方於召信臣故南陽為之語曰前有召父後有杜母○賈琮為交趾刺史舊交趾土多珍產明璣翠羽犀象瑇瑁異香美木之屬前後刺史率無情行才計盈給輒復求遷故吏民怨叛琮到部招撫荒散蠲復徭役誅斬渠帥簡選良吏百姓以安巷路為之歌曰賈父來晚使我先反今見清平吏不敢飯在事三年為十三州最後為冀州刺史舊典傳車駢駕垂赤帷裳迎於州界及琮之部升車言曰刺史當遠視廣聽糾察美惡何有反垂帷裳以自掩塞乎乃命御者奪之百城聞風自然球震其諸臧過者望風解印綬去○廉范為蜀郡太守成都民物豐盛邑宇逼側舊制禁民夜作以防火災范乃削先令但嚴使儲水而已百姓為便乃歌之曰廉

居官一覽卷之八十七

叔度來何暮不禁火民安作平生無襦今五袴○何敞為汝南太守疾文吏以苛刻求當時名譽故在職以寬和為政立春○分遣儒大吏察行屬縣顯孝悌有義行者及舉寃獄以春秋義斷之是以郡中無怨聲百姓化其恩禮推財相讓者二百許人○袁安為河南尹政號嚴明然未嘗以城罪鞠公常稱曰凡學仕者高則望幸相下則希牧守錮人於聖世尹不忍為也聞之者幸感激自勵在職十年京師肅然名重朝廷○王湛晉人為巴郡太守郡邊吳境兵士苦役生男多不養湛乃嚴乃科條寬其徭課其產育者皆與休復所全活者數千人後伐吳潛為龍驤將軍所全育者皆堪徭役供軍其父母戒之曰王府君生爾爾必勉之無愛死也○陸雲為浚儀令到官蕭然下不能欺市無貳價人有見殺者主名不立雲錄其妻而無所問十許日遣之令人隨後謂曰其去不出十里宜有男子候之與語便縛來既而果然問之具服云與此妻通共殺其夫聞妻得出故欲與語憚近縣故遠相要候於是一縣稱為神明○張輔為藍田令不為豪強所屈累遷御史中丞梁州刺史揚欣有姊喪未經旬車騎長史韓預強聘其女為妻輔為中正貶預以清風俗論者壯之○杜意梁人為輔國將軍

居官一覽卷之八十八

布衣蔬食儉約質素能彈琴頗好老莊禁絕淫祀崇修學校歲荒人饑則以私祿賑給為政纖密有如居家由是民感惠沾給盜賊不起以至城門不夜閉道不拾遺

傳翹為吳令別建康令孫廉廉問曰聞丈人發奸擿伏惠化如神何以至此荅曰無他也唯勤而清清則憲綱自行動則事無不理憲綱自行則吏不能欺事無不理則物無凝滯欲不治得乎○宋翻此魏人為河陰令順陽公主家奴為劫攝而不送翻將兵圍主宅執主婿馮穆步驅向陽縣時正炎暑立之日中流汗沾地縣舊有大枷號曰彌尾青及翻為縣主吏請焚之翻曰置南

居官一 卷之一 十九

牆下以待豪右未幾有內監揚小駒詣縣請事辭色不遜翻命取尾青以鎖之小駒既免入訴於宣武宣武大怒勃河南尹推之翻具自陳狀詔曰卿故違朝法豈不欲作威以買名翻對曰造者非臣買名者亦非臣所以留者非敢施於百姓欲待凶暴之徒如駒者耳於是威震京師○唐袁從一為左臺御史安樂公主家廝臺掠民子女為奴婢從一縛送獄主人訴帝為手詔喻免從一曰陛下納主訴縱奴擄掠平民何以定天下臣知放奴則免禍劾奴則得罪於主然不忍屈陛下法自偷生也○蔣欽緒精治道馭吏整嚴雖銖鈔罪不貸子沈歷

四縣令美政流行長子紀焉郭子儀軍出其縣勅其下曰蔣沈賢令供億常有素士得蔬餼足矣毋撓其清也陸象先為益州長史政尚仁恕韋抱貞諫曰公當峻

朴罰以示威不然民慢且無畏荅曰政在治之而已必嚴刑法以立威乎卒不從而蜀化嘗曰天下本無事庸人擾之耳第煩澄其源何憂不簡耶故所至民吏懷之李峴為平章政事初東京平陳希列等數百人待罪議者將悉抵死帝意亦欲懲天下故崔器等計致深文峴特為三司獨曰法有首有從情有重有輕若一切論死非陛下與天下維新意於是器與呂諲皆齟齬文吏

居官一 卷之一 二十

操常議不及大體尚騰煩固爭數日乃見聽衣冠蒙更生賊亦不能使人歸天子峴之力也○呂諲為荊州長史始建請荊州置南郡詔可於是更號江陵府以諲為尹諲為治不急細務決大事剛果不撓威惠兩行號令嚴賦歛均軍士用命闔境無盜賊民歌詠之○王仲舒為涪州刺史居五年就加金紫服徙蘇州隄松江為路變屋瓦絕火災賦調常與民為期不擾自辦顧少連為京兆尹政尚寬簡不為灼灼名先是京畿租賦薄厚不能一少連以法均之○劉栖楚為京兆尹峻誅罰不避權豪先是諸惡少竄名北軍凌藉衣冠有罪則逃軍

中無敢捕栖楚一切窮治不閱旬宿姦老蠹為歛迹一日軍士乘醉有所凌突諸少年從旁譟曰癡男子不記頭上尹耶○韋溫為陝虢觀察使民當輸租而麥未熟吏曰督之溫曰使民貸田中穗以供賦可乎為緩期而賦辦○張允濟仕隋為武陽令以愛利為行死武民以以犗牛依婦家者久之年十餘犗將歸而婦家不與牛民訴縣縣不能決乃詣允濟允濟曰若自有令吾何與為民泣訴其抑允濟因令左右縛民家其首過婦家云捕盜牛者命盡出民家牛質所來婦家不知遽曰此婿家牛我無預即遣左右撤蒙曰可以此牛還婿婦家服

唐書 卷二十一

二十一

二十一

罪 賈敦實為洛州長史政尚寬惠人心懷向洛陽令楊德幹矜嚴酷烈杖殺人而立威敦實喻止曰政在養人傷生過多雖能不足貴也德幹為衰減○景駿先為肥鄉令後為趙州長史道出肥鄉民喜爭奉酒食迎搞有小兒亦在中景駿曰方兒曹未生而吾去邑非有舊恩何故來對曰耆老為我言學廬館舍橋障皆公所治意公為古人今幸親見所以來留終日○韋宙為永州刺史俗不知法多觸罪宙為書制律并種植為生之宜戶給之築常平倉收穀羨餘以待乏罷冗役九百四十四員縣舊置吏督賦宙俾民自輸家十相保常先期

唐書 卷二十一

二十一

二十一

而足湘源生零陵香歲市上供人苦之宙為奏罷民食無牛以力耕宙為置社二十家月會錢若干探名得者先市牛以是為準久之牛不乏立學宮取仕家子弟十五人充之○何易于為益昌令民有死喪不能具葬者以俸勅吏為辦召高年坐以問政得失凡闕民在廷易于丁寧曉指枉直杖楚遣之不以付吏獄三年無圍督賦役不忍迫下戶或以俸貸輸饋給往來傳符外一無所進○白大威為刺史有李氏者年十七嫁為鄭廉妻未踰年廉死夜忽夢一男子求為妻初不許後數數夢之李自疑容貌未衰醜所召也即截髮麻衣不薰飾始面塵膚自是不復要大威欽其操號其為堅貞節婦表旌門閭名所居曰節婦里○王且為太尉侍中張士遜轉運江西見且求救且曰朝廷權利至矣士遜遵其言不求羨利人稱士遜識大體薛奎發運江淮辭行且無他語但云東南民力竭矣奎退歎曰真宰相之言也內臣劉承珪以忠謹得幸病且死求為節度使帝詔且曰承珪待此以瞑目且執不可曰他日求為樞密使此其階也遂止自是內臣不過留後且任事久人有謗之者輒引咎不辯至人有過失雖人盛怒可辯者辨之必得而後已○李沆為右僕射手章事主且嘗歎曰我輩安